

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Transiordanini.

urn:nbn:de:gbv:45:1-18303

ctenus inequisti? b) Num quid tale solita sum
facere tibi? *B.* Nihil. *G.* Balaame, cur cæcidi-
sti asinam tuam jam tertium? Ecce ego ipse veni
tibi adversatum, quia hoc iter susceptum est con-
tra meam sententiam. Asina vero ubi me vidit,
declinavit me jam ter: quod nisi fecisset, profe-
cto jam te interfecissem, cum vero scivissem vivere.
B. Peccavi, fateor: sed non videram te mihi ob-
viam in via. Itaque si hoc iter tibi displicet, re-
vertar. *G.* Imo, eas licet cum istis: veruntamen
vide, ut ea demum dicas, quæ tibi suggessero.

SENTENTIA.

*Falsi vates minus interdum vident, quam ju-
menta.*

TRANSIORDANINI. Num. 32.

ARGUMENTVM.

Rubenenses & Gadini impetrant a Mose
sedem trans Jordanem.

Rubenenses & Gadini, Moses.

Hæc regio, quam Israelitæ ceperunt, cæsis, Jova-
duce, incolis, regio est apta pecori alendo.
Nos autem habemus pecus: quod nisi tibi mole-
stum est, Moses, liceat nobis possidere hanc ter-
ram, ut non trajiciamus Jordanem. *M.* a) Scili-
cet fratres vestri ibunt in bellum, vos hic manebi-
tis otiosi? Cur deterretis animos Israelitarum, ne
per-

b) Cum insolitum aliquid accidit, cogitandum est, in-
solitam aliquam esse causam, eaque cognoscenda est,
antequam statuas.

a) Æquum est, fratres esse socios laborum.

perveniant in regionem, quam ipsis Jova dedit? Ita nimirum fecere patres vestri, quando eos ego misi Cadebarne speculatum regionem. Cum enim pervenissent ad fluvium Escolem, vidissentque terram, fregerunt deinde animos Israelitarum, ne irent in terram sibi a Deo datam. Quare iratus Deus eodem die juravit, nullum eorum, qui egressi essent Ægyptum, qui modo excessisset vigesimum annum, visurum terram, quam ipse promisit Abrahamo, Isaaco & Jacobo: eo quod non paruissent sibi, exceptis Calebo & Josua, qui paruerunt. Ergo iratus, eos ductavit ultro citroque errantes per deserta quadraginta annos, donec tandem desit totum illud genus hominum, qui offenderant Jovam. Ecce autem vos existis pro patribus vestris, qui augeatis numerum nocentum, ut ira Jovæ in Israelitis incremento augeatur. ^{b)} Nam si deseretis eos, ductabit eos adhuc per deserta, atque perdideritis hunc populum. *R.* Ædificabimus hic caulas pecudibus nostris, & urbes parvulis & imbecilibus: nos vero in armis erimus parati ante Israelitas, donec collocaverimus eos suo loco. Nostri autem liberi, & cætera turba ad bellum inepta, manebunt in urbibus muratis, ut sint tuti ab incolis terræ. Nec revertemur domum, quin prius Israelitæ venerint suæ quisque in hereditatis possessionem. Neque enim cernemus hæreditatem cum eis trans Jordanem, quibus obvenerit cis Jordanem, orientem versus. *M.* Si quidem re præstabitis, quod pollicemini verbis,

D 3

arma-

b) Similia peccata sequitur pœna similis.

armatique ad bellum, quotquot potestis ferre arma, Jova despectante, Jordanem transmittetis, non redituri nisi deturbatis a Iova hostibus, terraque subdita Jovæ imperio: si inquam, agetis, revenietis postea purgati & Jovæ & Israelitis: atque hac quidem lege possidetote terram, Jova volente. Sin hæc non feceritis, sic habetote, vos peccare in Jovam, vestrumque peccatum in vós recasurum.

SENTENTIA.

Quibus jam prospectum est, ii debent cæteros, quibus nondum prospectum, adjuvare.

RACHABA. | Jovæ 2.

ARGUMENTVM.

Rachaba meretrix abditos apud se exploratores Israelitarum clam dimittit per fenestram, pacta cum eis de salute sua & suorum.

*Ministri Regis Hierichuntis, Rachaba.
Explorantes Hebræi.*

Rachaba, nos sumus huc missi a rege, ut abducamus homines eos, qui diverterunt ad te. Venerunt enim gratia explorandæ totius regionis: proinde vide, ut eos producas nobis. R. Ad me quidem venerunt homines quidam, qui cujates sint, me latet: a) ii, cum vespere clauderetur porta, exierunt, nec scio, quo se receperint. Si vobis consequi velociter, assequimini. Salva res est, abierunt. Nunc adeo hospites, quos oculi

a) Pia fraus aut factum potius extraordinarium.